

**IMAQARNILIAQ
ILEQQUUSUMIK ATAATSIMEERSUARNEQ**

J.nr. 230439/ TS

| | |
|---------------------------------------|--|
| Piffissaq: | 16. maaji 2023, nal. 14.00 |
| Ingerlatseqatigiiffik | Tusass A/S CVR-nr. 17516345 (Taaneqassaaq "Ingerlatseqatigiiffik") |
| Sumiiffik: | Katersortarfik Aqqusinersuaq Nuuk 3900 |
| Ullormut oqaluuserisassat: | <ol style="list-style-type: none">1. Ataatsimiinnermik aqutsisussamik taasineq2. Siulersuisut nalunaarutaat3. Ukiumoortumik nalunaarummik akuersineq.4. Ukiumoortumik nalunaarut akuerisaq malillugu sinneqartoorutiniq atuineq imaluunniit annaasanik matussusiineq5. Siulersuisunik taasineq6. Kukkuersiuisumik taasineq7. Allat |

Ingerlatseqatigiiffimmut ileqqoreqqusaaq §7 naapertorlugu, ataatsimiinnermik aqutsisoq siulersuisunit toqqarneqarpoq. Eqqartuussissuserisoq Thor Suhr siulersuisut toqqarpaat.

Ataatsimiinnermik aqutsisup uppersarpaa

ataatsimiigiaqqussut ileqqoreqqusani § 4, imm. 2 naapertorlugu ingerlanneqarsimammat, ataatsimiigiaqqussut 1. maaji 2023 allakkatigut, ileqqoreqqusani § 5 naapertorlugu ullormut oqaluuserisassat ilanngullugit piginnittunut nassiunneqarsimammat,

ileqquusumik ataatsimeersuarneq ileqqoreqqusani § 4 imm. 2 naapertorlugu ingerlanneqarmat, tassa ileqquusumik ataatsimeersuarnerit ukiumiit

naatsorsuiffimmiit qaammatit sisamat sapaatillu akunneri pingasut qaangiutsinnagit ingerlanneqarmat,

sulisut ileqquusumik ataatsimeersuarnermik ilisimatinneqarmata,

Ingerlatseqatigiiffiup aningaasaatai tamakkerlugit Mute B. Egedemit takutinneqarmata, pisinnaatitsissut malillugu Naalakkersuisut sinnerlugit taasisinnaatitaanermik suliarinnittusoq.

Taamaalilluni ataatsimiinnermik aqutsisup aalajangerpaa, ileqquusumik ataatsimiinnerup aalajangiiffiqarsinnaanera.

Ullormut oqaluserisassat sioqqullugit piginnittoq oqaaseqarnissaminut qinnuteqarsimavoq;

Asasakka Tamassi,

Aallarniutigalugu Naalakkersuisut sinnerlugit sulisut, pisortaatitat siulersuisullu ukiumi qaangiuttumi sulisimanerannut qutsavigaakka.

Ukioq manna ataatsimeersuarnissat tungaanut Naalakkersuisut aammalu partiit Inatsisartuni ilaasortaataitaqartut sisamat piginnittuunermut politikki nutaaq pillugu isumaqatigiissuteqarput. Ataatsimoorluta politikikkut kissaatigisarput tassaasimavoq, ingerlatseqatigiiffinnut killissaliussat pitsanngorsagaasut aalajaatsullu qulakkeerneqarnissaat. Taamaaliormi ingerlatseqatigiiffiit ungasissumut siunnerfeqarlutik eqqissillutik ineriartornissaat, peqatigisaanillu piginnittumut ataneq eqeersimaartumik piginnittuunikkut nukittorsarneqassasoq, kissaatigisimavagut.

Piginnittuunermut politikimi inuiaqatigiinni akisussaaffeqarneq pillugu tunngaviusoq aammalu ingerlatseqatigiiffiit inuiannut kalaallinut pilersinneqarsimanerat pigineqarnerallu, erseqqissarusuppakka. Tamatuma malitsigisaanik ingerlatseqatigiiffiit piginnittut soqutigisaat isumagisarisussaavaat aammalu suliassani qitiutinneqartoq, ingerlatseqatigiiffiit ataasiakkaat pilersinneqarfiat immersortussaallugu. Ingerlatseqatigiiffiit ingerlanneqarluartussaanerat patajaatsuunissaallu tamatuma pissusissamisoortumik malitsigisussaavaa. Naalakkersuisut ukiumi aggersumi politikkip atuutsinneqalernissaa pillugu suleqatigiinnissaq qilanaaraat.

Tusass ukiumi aggersuni isumannaallisaanermut tunngasunik arlalinnik unammilligassaqaletussaavoq. Tassani pineqarput qarasaasiatigut isumannaallisaaneq kiisalu tigussaasuni attaveqaasersuutit. Imaatigut kabelinik allanik inissiisinaanissaq, taamaalillunilu atuisut nutaanik unittoortoqannginnissaanik qulakkeeriffiginissaat siunertaralugu, immap naqqani misissueqqissaarnissamut EU-miit tapersiissutinik annertuunik aningaasaliisoqarnera Naalakkersuisut

nuannaarutigaaat. Taamatutaaq aamma isorliunerusuni satellit-ikkut pisinnaasat pitsanngorsarlugit kiisalu 5G atuutsilerlugu, nalunaarasuartaatitigut attaveqaasersuutininik nutarterinissaq sulissutigineqarpoq, tamatumalu takutipkaa Tusass ineriartortitsineranut malinnaalluortoq.

Tusass kusanartunik angusaqarsimanerminut aammalu suliffeqarfimmik peqqinnartumik patajaassuseqarluartumillu ingerlatsinerminut nersortariaqarpoq. Ingerlatseqatigiiffittut inuiaqatigiinnut taama aalajangiisuulluinnartigisumik pingaaruteqaraanni, peqqinnartumik ingerlatsinissaq tunngavissaavoq pingaaruteqartoq. Tamanna pissutigalugu piginnittoq isumaqarpoq pissutsini marlunni erseqqinnerusumik qimerluuinissamut piffissanngortoq. Aappaa tassaavoq innuttaasunut akigititanik appartitsinissaq. Aappaa tassaavoq, siooranartoqarnera upernaag Center for cybersikkerhed ilaatigut saqqummiussaa eqqarsaatigalugu, attaveqaasersuutini pisariaqartinneqartuni pisariaqartunik aningaasaliinissaq.

Tusass innuttaasunut sumiiffinni ajornartorsiorfiusuni najugaqartunut iliuuseqarluni tapersiinissaa aamma Naalakkersuisut kissaatigaat. Akiliisarfiimmuut attaveqannginnera pissutigalugu Pilersuisumi pisiniarsinnaanani kialuunniit misigisariaqanngikkaluarpa. Kalaallit Nunaanniittut tamarmik Tusass-imi piginneqataapput, taamaalillutillu kiffartuunneqarnerminni pitsaasumik atugaqartinneqartariaqarlutik. Kissaatigineqartut matuma siuliani taaneqartut piviusunngortinnissaannut pilersaarut Naalakkersuisut qilanaaraat.

Internettikkut niuernerme poortukkanut suliassaqaqarfiup suli sakkortuumik ineriartornera eqqarsaatigalugu, mittarfinni attaveqaasersuutit atuutilertussat atorluarnissaannik Naalakkersuisut Tusass-ip sulissutiginninnerata malinnaaffiginissaa Naalakkersuisut qilanaaraat.

Ingerlatseqatigiiffiit aningaasaqarnerannut tunngasut kisiisa nalunaarusiorneqartartussaajunnaarnerat pingaaruteqarpoq. nunarsuarmi ineriartornermi takusatsinni, piujuartitsinissap sulissutiginiissaata ileqquliunnissaanut akisussaaffeqarpugut. Taamaattumik ESG-inut nalunaarusiortarneq "Environment (avatangiisinut), Inooqatigiinneq (inuiaqatigiinnut) aamma Governance (aqutsineranut)" tunngassuteqartoq eqeersimaartumik sulissutigineqassasoq pillugu piginnittuuneranut politikkimi piumasaqaatigineqarmat erseqqissassavara.

Fraud management-imut periaasersi pillugu nalunaarutiginnikkassi qutsavigerusuppassi aammalu Naalakkersuisut siuliani ataatsimeersuarnermi nalunaarutigisaattut suliap taassuma ingerlanerata malinnaaffiginissaa qilanaaraarput. peqquserlussinnaanerit aarlerinaateqarnerannik paasisaqarnissamut pitsaaliuinissamullu eqeersimaartumik sulinersi, inuiaqatigiinnut sullissinissinnik nukittorsaaqataavoq.

Taamatut oqaaseqarlunga ingerlatseqatigiiffimmi siulersuisut, pisortaatitat sulisullu ukiumi aggersumi sulilluarnissaannik kissaappakka.

Qujanaq”

Oqaaseqartoqareemat ileqquusumik ataatsimeersuarnermi ullormut oqaluuserisassat suliarineqarput.

1 INGERLATSEQATIGIIFFIUP SULIFFEQARFIA PILLUGU NALUNAARUT

Siulersuisut siulittaasuat Ulrik Blidorf, siulersuisut sinnerlugit ileqquusumik ataatsimeersuarneq pillugu nalunaaruteqarpoq.

Ileqquusumik ataatsimeersuarnermut peqataasut siulersuisut nalunaarutaat tusaatissatut tiguaat.

2 UKIUMOORTUMIK NALUNAARUTIP AKUERINEQARNISSAANUT SAQQUMMIUSSINEQ

3 UKIUMOORTUMIK NALUNAARUSIAMUT TUNNGATILLUGU SINNEQARTOORUTINIK ATUINISSAMUT IMALUUNNIIT ANNAASANIK MATUSINISSAMUT AALAJANGIINEQ

Ataatsimiinnermik aqutsisoq imm. 2-p aamma imm. 3-p ataatsimut suliarineqarnissaannik aalajangiivoq.

Ataatsimiinnermik aqutsisup uppersarpaa, ukiumut nalunaarut siulersuisunit pissusissamisoortumik atsiorneqarmat kukkunersiuisullu oqaaseqaateqanngimmata.

Inernerit imaqarniliornerinut siunnersuummut ukiumoortumik nalunaarummut innersuussisoqarpoq.

Ukiumut inerneq 116,3 mio. kr.-usoq tunuliaqutaralugu inernerit imaqarniliornerinut siunnersuut saqqummiunneqarpoq, ima agguarneqarluni: ukiumut naatsorsuiffimmut agguagarsinanik 87,6 mio. kr.-nik akiliisoqassaaq, piginneqataassutit qaffaassutissaannut sillimmatitut nuunneqartussat 0,3 mio. kr.-nik qaffanneqassapput.

Assigiingissusaat 28,4 mio. kr.-usoq ukiup tullianut nuunneqassaaq.

Ukiumoortumik nalunaarut inernerillu imaqarniliorneri ileqquusumik ataatsimeersuarnermi akuerineqarput.

4 PIGINNITTUNIT SIULERSUISUNIILLU SIUNNERSUUTIT

Ataatsimiinnermik aqutsisup siunnersuuteqartoqarsimannginnera uppersarpaa.

5 SIULERSUISUNIK TAASINEQ

Ataatsimiinnermik aqutsisup uppersarpaa, siulersuisunut ilaasortanut ileqqoreqqusaasuni § 10, imm. 2 naapertorlugu qinigaaffik ukioq ataasiusarmat, taamaallillutik siulersuisut tamakkerlutik qinerneqartussaammata.

Siulersuisut ataatsimeersuarnermi qinerneqartut tassaapput:

Ulrik Blidorf siulersuisut siulittaasuata,
Inaluk Malene Brandt siulersuisut siulittaasuata tullersortaa
Maja Mathilde Motzfeldt-Haahr
Eqalunnguaq Abel Kristiansen
Kim Kylesbech Larsen

Kiisalu sulisunit qinerneqartut:

Kim Hammond Zinck
Lars Holm Hansen
Benedikta Kristina Naamansen

sinniisussatullu:

Ann Arnfjord
Ivan Siegstad

Sulisut sinnerlugit sassartunik ileqquusumik taasineq tulliuuttoq 2026-mi ingerlanneqassaaq

Siulersuisut massakut atuuttut qineqqinneqarnissaat siunnersuutaasimavoq.

Ataatsimiinnermik aqutsisup uppersarpa, ileqqoreqqusani § 10, imm. 1 naapertorlugu, ileqquusumik ataatsimeersuarnermi siulersuisut 3-5-t taaneqassammata. Qinigassat innersuunneqartut taaneqarpata, ileqqoreqqusat eqquutsinneqassapput.

Ataatsimiinnermik aqutsisup uppersarpaa, taaneqartut ingerlatseqatigiiffimmi inatsik § 120, imm. 3 naapertorlugu, Danmarkimi Kalaallillu Nunaanni aktieselskabit pisortatut misilittagaqarnermut paasissutissanik pisarialinnik tunniussisinnaammata.

Siunnersuut tamanit akuerineqarpoq.

6 AKISSARSIANUT POLITIKKIP AKUERSITINNISSAANUT SAQQUMMIUSSINEQ

Ataatsimiinnermik aqutsisup uppersarpaa ingerlatseqatigiiffimmi akissarsianut politikki nutarsagaq siulersuisunit 20. maaji 2022 akuerineqarmat, piginnittuniillu akuerineqarnissaanut ataatsimiinnissamut aggersaasoqarluni.

Ataatsimiinnermik aqutsisup uppersarpaa piginnittup akissarsianut politikki tusaatissatut tigugaa.

7 SIULERSUISUNUT SIULITTAASUMUT ILAASORTANULLU AKISSARSARITINNEQARTUNIK INISSINEQ

Ataatsimiinnermik aqutsisup paasissutissiissutigaa, piginnittunit siunnersuutigineqartq, siulersuisunik ilaasortanut akissarsaritinneqartut Naalakkersuisut akissarsianut politikkia nalinginnaasoq malillugu inissinneqarnissaat, taamaalillutik akissarsaritinneqartut tassaapput:

| | |
|-------------------------------------|-------------|
| Siulersuisunut siulittaasoq: | kr. 365.000 |
| Siulersuisunut siulittaasup tullia: | kr. 182.000 |
| Siulersuisunut ilaasortat allat: | kr. 130.000 |

Ileqqusumik ataatsimeersuarnermi siunnersuut tamanit akuerineqarpoq.

8 KUKKUNERSIUISUMIK TAASINEQ

Ingerlatseqatigiiffimmi kukkunerisuisussatut siunnersuutigineqarpoq:

Ataatsimiinnermik aqutsisup paasissutissiissutigivaa, siulersuisut PwC ingerlatseqatigiiffimmut kisimi kukkunerisuisussatut taaneqarnissaa siunnersuutigimassuk.


Ileqqusumik ataatsimeersuarnermi siunnersuut tamanit akuerineqarpoq.

9 ALLAT

Allanik siunnersuuteqartoqanngilaq.

Ileqqusumik ataatsimeersuarneq taamaalilluni naammassineqarpoq.

Ataatsimiinnermik aqutsisoq:



Thor Suhr